

دقت و عتد

صافی : 3

اگستوس 1928

آلنجی ملد



دارالفنون

ادبیات و فلسفہ و تاریخ و جغرافیہ و ادبیات

فلسفہ ، اجتماعیات ، تاریخ ، جغرافیہ ، ادبیات

ایکی آبدہ بر نشر اولنور

مندرجات

تو-کیولر نجیب عاصم
۱۱۴۸ - ۱۱۵۲ سفری (ختم) احمد رفیق
اسکندر ذوالقرنین آورام غالانی

استانبول - دولت مطبعہ سی

1928

اسکندر ذوالقرنین

قرآنک سورة كهفنده (آیت 82-103) درت دفعه «ذوالقرنین» وبردفعه «اسکندر» کلهری مذکوردر . متنده کی برسؤالک جوابندن ، «ذوالقرنین» ، اسکندر کبیرک صفتی اولدیغنی آکلاشیلیر . «قرنین» عربجهده «بویونوز» دیمک اولان «قرن» ک تشنیه سیدر . بولکه سامیجهده . آثور یجهسی Karnon ، عبرانیجهسی Keren ، آرامیجهسی Karna ، حبشجهسی Karn در . بعضیلرک فکرنبجه ، «ذوالقرنین» ، اسکندر کبیرک ایکی قرن یعنی ایکی عصر یاشادیغنی وبعضیلرک فکرنبجهده ، کندیسنده ایکی بویونوز بولوندیغنی افادهایدر . اسکندر کبیر ، 33 یاشنده وفات ایتدیکی ایچون ، برنجی حال وارد دکلدیر .

ایکنجی حالی تدقیق ایدلم :

اسکندرک علی الاطلاق بویونوزلرندن اک اول بحث ایدن ، سوریانی افسانهدر [1] . افسانه ، اسکندرک لسانندن «بودنیانک ایمپراطورلقلرینی پارچه لاییم دیه ، بنده بویونوز چیقارتدیغکی بیلیرم» جمله سنی سویله تیور . ته اودور نوله کهیه کوره ، اسکندره طائد بو افسانه ، میلادک 514 یاخود 515 سنه سنمه راجعدر [2] . «ذوالقرنین» تعبیری ، تشنیه اوله رق ، سوریانی افسانهده موجود دکلدیر ، چونکه سوریانیجهده تشنیه یوقدر . بوتعبیر عربیدر . عربجهده «ذو» لی تشنیه واردر . «ذوالقرنین» تعبیری مؤخرأ قوللانیلمش اولسه کر کدر . بوندن بشقه ، «لحم» قرالی اولان اوچنجی مندرک (افعال بابنک اسم فاعلی) صفتی ده ، «ذوالقرنین» در [3] . مندر ، کوفه شهرینک بر آز جنوبنده و صحرانک کنارنده کائن «لحم» امارتنک قرالیدرکه ، میلادک 554 سنه سنمه وفات ایتمشدر . بومارت ، میلادک 400 - 600 سنه لرینه قدر ادامه موجودیت ایتمشدر .

عبرانیجهده «ذوالقرنین» تعبیرینه مقابل «بعل قرنیم» (baal Karna'im تلفظ

[1] E. W. Budge صحیفه 257 ، 274

[2] Th, Nöldeke. Beitrage zur Geschichte des Alexanderromanes, in Denkschr. Akademie Wien, Philos-historische Klasse 38 جلد 1890 سنه

[3] صحیفه 26 جلد 2 J. Goldziher. Abhandlungen zur arab. Philologie

اولنور (واردرکه ، (بعل = ذو = صاحب) معناسی تمامیلہ « ذوالقرنین » ک
معناسنک عینیدر .

پیغمبر دانیال « کوردیکک او ایکی بوینوزلی قوچ ، مدیه لیلر ایله فارسیلرک قرالریدر .
وتکه ، یونان قرالی اولوب ، کوزلری آره سنده اولان بویوک بوینوز ، برنجی قرالدر » [1]
دیملکه ، مدیه وعجم قرالری ایکی یونان قرالنی بر بوینوز ایله کوستریور .
عبرانیلرک پک اسکی وقسماً اسکندر کبیرک بوینوزلرندن بحث ایدن سوربانی کتابدن
دها اسکی اولان برارده ، [2] غیر علمی اوله رق ، نهدوم اسمیلہ توصیف اولنان روما
حقنده ، « بعل قرنیم » یعنی « ذوالقرنین » تعبیری قوللانیلیور .

میلادک اون ایکنجی عصرنده اسپانیاده یاشامش اولان یهودا الحریزی ، اسکندر
کیردن بحث ایدر ایکن « ذوالقرنین » تعبیری قوللانمشدر [3] . یهودا الحریزی عرب
اسپانیاسنده یاشادیغی ایچون ، بوتعبیری اولدیغی کبی عربلردن آلمشدر .
عبرانیجه ده ، « قرنیم » تعبیری ، معنای لغویدن غیری معنای مجازیده ده استعمال ایدن ،
قبل المیلاد سکرنجی عصرده یاشامش اولان پیغمبر عموسدر . عموس ، « قرنیم » تعبیری
قوت مقامنده قوللانمشدر . مثلاً معنای لغویده « کندیمز ایچون بوینوز آلدق » جمله سنی ،
معنای مجازیده « قوتلی اولدق » مقامنده استعمال ایتمشدر [4] .

اسکی زمانده « بوینوز » قوت علامتی عد ایدلدیکندن الهلر ، بیوک آدمیر ، قهرمانلر
بوینوز ایله تصویر ایدیلیرایدی . میلاددن ایکی بیک سنه اول مصرده تعبد ایدیان آمون
الهی ودها اسکی اولان ایزیس الہه سی ایله بالاخره سینوبدن مصره ادخال ایدیلن سراپیس
الهی ، بوینوزلی اوله رق تصویر ایدلمشدر .

عهد عتیق ، اوامر عشره یی طور سیناده یازوب ایندکن صوکر « موسی ، یوزینک
دریسنک پارلادیغنی ییلمیور ایدی » دیور [5] . « پارلادی » کلمه سنک عبرانیجه سی « قرن »
(فعل ماضی مفرد مذکر غائب) در . وولغاتا = Vulgata ، [6] بوکله یی « پارلادی »

[1] دانیال . فصل 8 ، فقره 20 - 21

[2] « تکیون » تفسیری اولان میدراش رابا ، صحیفه 99

[3] الحریزی « تاحکمون » اثرینک « اقوال فلاسفہ » دن بحث ایدن اوچنجی فصلی

[4] عموس . فصل 6 ، فقره 13

[5] خروج . فصل 32 ، فقره 29

[6] وولغاتا ، عهد عتیقک لاتینجه یه ترجمه سی

دکل ، « بونوز جیقدی » دیه ترجمه ایتشدیر . بو طرز ترجمه ، موسی یه بر قوت اسناد ایتمک ایچوندر . ایشته بواساسه بناء درکه ، اسکندرک ایکی بونوز ایله کوسترلمسی ، صاحب قدرت و قوت اولدیغنی کوسترمک ایچوندر . ذاتاً قرآنک اسکندر حقنده کی « بز اوکا ارضده قدرت و مکننت و هرشیدن بریول و سبب و صول و یردک » آتی ، بوجهتی توضیح ایدیور [1] .
 نه دوار مایه ، مصرک اسکی ایمپراطورلق دوری زماننده ، (میلاددن تقریباً 3000 سنه اول) شمال مصر حکمدارینک یاصی برباش اورتوسی کیدیکنی و اوستنده ، بری معدن تلندن اولمق اوزره ، ایکی حیقتی (رسمده بویکی حیقتی بونوزه بگزر) اولدیغنی یازیور [2] .
 عجیبا بوحیقتی بر قوت علامتی می ایدی ؟
 دارالفنون مدرسلرندن

آرام غالاتی



[1] سورة كهف ، آیت 83

[2] برنجی جلدك نصف ثانسی ، صیغه 112 E. Mayer. Geschichte des Altertums